

դրանց մի մասը գանձելու իրավունք ստանում¹³: Գիվանի, ինչպես նաև խասսի, հողերի վարձակալության այս ձևը կոչվում էր «իջարե», կամ «զաբթ», որ նշանակում է «գանձել» կամ «վերցնել»¹⁴: Զաբթով տրվում էին նաև տարբեր օբյեկտներից ստացվող այլ հարկերի գանձման իրավունքները:

Զաբթի պայմանագրերը ամեն տարի վերանորոգվում էին և որոշվում վարձակալության գումարը: Այսպես, օրինակ, «Վրաստանի թանգարանի» ձեռագրատան մի վավերագրից իմանում ենք, որ 1710 թ. Ղարադաղի Քալեջբարի շրջանից գանձվող ոչխարների հարկը (չոբանբեկի) 559900 դինարով գտնվել է յուզբաշի Մուհամմադ-Ալի բեկ Կարադաղլուի զաբթում¹⁵: Հաճախ պետական պաշտոնյաներն ու զինվորականները հանձնարարություններ (բարաթ կամ հավալե) էին ստանում իրենց ոռճիկները կանխիկ դրամով ստանալու հիշյալ զաբթներից, ի հաշիվ նրանց վարձակալական գումարների (վչուհաթ-ե զաբթի)¹⁶:

Պաշտոնական վավերագրերում և պատմական սկզբնաղբյուրներում պետական պաշտոնեություն և զինվորականությունը վճարվող ոռճիկների վերաբերյալ գործածված է նաև «թանխահ» տերմինը: Այս բառը ժամանակակից պարսկերենում նշանակում է «դրամ», «կանխիկ գումար»: Սովորաբար այս տերմինն օգտագործվում է «մավաջիբ» (ոռճիկ) տերմինի հետ «թանխահ—ե մավաջիբ» ձևով, որ թարգմանվում է «ոռճիկի թանխահ»: Եթե «թանխահ» մենք հասկանալու լինենք իր ժամանակակից իմաստով, ապա «թանխահ-ե մավաջիբ»-ը պետք է թարգմանենք «ոռճիկի գումար»:

Մենք կարծում ենք, որ այս տերմինը չի կարելի համեմատելին համանիշ տերմին համարել¹⁷: Մի քանի ֆերմանների և առանձին սկզբնաղբյուրների¹⁸ ուսումնասիրությունը մեզ բերում է այն եզրակացություն, որ ոռճիկների դիմաց ստացվող թանխահ ոռճիկների հատուցման այն ձևն էր, երբ պաշտոնյաները ամեն տարի դիմում էին դիվանին և տվյալ տարվա, երբեմն նաև մի քանի ամսվա ոռճիկի դիմաց ստանում այս կամ այն հարկատու օբյեկտի համայնքին կամ այդ օբյեկտներից ստացվող հարկերի վարձակալին ուղղված հանձնարարություններ և բնամթերքով կամ կանխիկ դրամով իրենց ոռճիկները ստանում նրանցից¹⁹: Իսբանդար Մունշու վերը մեջ բերված խոսքերից միանգամայն պարզ երևում է, որ համեմատների ֆերմաններում հատկապես պետք է շեշտվեր «համեսալե» (ամենամյա) բառը, որպեսզի «զինվորները ազատվեն դավթար կամ դիվան գնալ-զալուց և անձամբ ստացվող ոռճիկ (թանխահ-ե մավաջիբ) կամ օրապահիկ (մարսումաթ) պահանջելուց»: Այդ նշանակում է, որ ուլքեր թիուկ կամ համեսալե շունեին, ուղղակի կապված էին

¹³ Մատենադարան, կթղկ. դիվան, թղթ. 1բ, վավ. 220, 234, 235, թղթ. 1դ, վավ. 248: Ջաֆարիա Ագուլեցի էջ 63, 68, 69, 70, 80, 94, 134, 150:

¹⁴ Մատենադարան, կթղկ. դիվան, թղթ. 1բ, վավ. 234, 235, թղթ. 1դ, վավ. 248:

¹⁵ Տե՛ս մայրն Եղծոյ, էջ 58:

¹⁶ Տե՛ս նույն տեղը, էջ 8, 23, 3, 34, 44, 56:

¹⁷ Տե՛ս И. П. Петрушевский, Очерки .. էջ 197:

¹⁸ Տե՛ս Մատենադարան, կթղկ. դիվան, թղթ. 1ա, վավ. 49, թղթ. 4, վավ. 30, համատ.

197՝ «سلسلهٔ انساب صفویه» جلدین، էջ 109—110:

¹⁹ Տե՛ս մայրն Եղծոյ, էջ 22, 24, 28, 46, 74: